

CYNGOR SIR YNYS MÔN

Templed Adroddiad Sgriwtini

Pwyllgor:	Pwyllgor Sgriwtini Partneriaeth ac Adfywio
Dyddiad:	11 Mawrth, 2021
Pwnc:	Craffu ar Bartneriaethau
Pwrpas yr Adroddiad:	1. Cyflwyno trosolwg o'r gwaith a gyflawnwyd gan y Pwyllgor rhwng Mehefin, 2019 a Tachwedd, 2020 2. Ystyried blaen raglen waith y Pwyllgor ar gyfer 2021/22
Cadeirydd Sgriwtini:	Cyng. Gwilym Owen Jones
Aelod(au) Portffolio:	Cyng. Dafydd Rhys Thomas, Aelod Portffolio ar gyfer y Gwasanaethau Corfforaethol
Pennaeth Gwasanaeth:	Annwen Morgan, Prif Weithredwr
Awdur yr Adroddiad:	Sioned Rowe, Swyddog Sgriwtini
Rhif Ffôn:	01248 752578
E-bost:	SionedRowe@ynysmon.gov.uk
Aelodau lleol:	Amherthnasol

1 – Argymhelliad/ion

Gofynnir i'r Pwyllgor Sgriwtini Partneriaeth ac Adfywio nodi a chefnogi:

A1 Y gwaith craffu ar bartneriaethau allweddol a gyflawnwyd yn ystod 2019/20 (**Atodiad 1**)

A2 Y partneriaethau y bwriedir rhoi blaenoriaeth iddynt yn rhaglen waith y Pwyllgor dros y flwyddyn nesaf (**Atodiad 2**)

A3 Y camau nesaf arfaethedig y manylir arnynt ym mharagraff 5.11 yr adroddiad.

A4 Gwahodd y partneriaethau ble mae'r rhaglen waith wedi llithro yn sgil pandemig Covid-19 i drafod eu gwaith partneriaethol a hynny i gyd-fynd â'r cyfnod adfer.

2 – Cyswllt efo Cynllun y Cyngor / Blaenoriaethau Corfforaethol Arall

Bydd y ffrwd waith hon yn gwneud cyfraniad sylweddol i un o brif themâu Cynllun y Cyngor 2017/2022 sef – “Y thema allweddol sy'n rhedeg trwy'r cynllun yw ein huchelgais i weithio â phobl Ynys Môn, ein cymunedau a'n partneriaid er mwyn sicrhau gwasanaethau o safon uchel a fydd yn gwella ansawdd bywyd i bawb ar yr Ynys”.

3 – Egwyddorion Fel Canllaw ar gyfer Sgriwtini

Er mwyn cynorthwyo Aelodau wrth graffu ar y pwnc:-

- 3.1** Effaith mae'r eitem yn ei chael ar unigolion a chymunedau [ffocws ar y cwsmer/ dinesydd]
- 3.2** Edrych ar effeithlonrwydd ac effeithiolrwydd unrhyw newid arfaethedig – yn ariannol ac o ran ansawdd [ffocws ar werth]
- 3.3** Edrych ar unrhyw risgiau [ffocws ar risg]
- 3.4** Craffu'n cymryd rôl rheoli perfformiad neu warantu ansawdd [ffocws ar berfformiad ac ansawdd]
- 3.5** Edrych ar gynlluniau a chynigion o safbwynt:
 - hirdymor
 - atal
 - integreiddio
 - cydweithio
 - cynnwys
 [ffocws ar lesiant]

4 - Cwestiynau Sgriwtini Allweddol

1. I ba raddau mae'r partneriaethau a nodwyd i'w cynnwys yn y flaen raglen waith (paragraff 5.11) yn cynrychioli cydbwysedd teg o bartneriaethau allweddol y Cyngor?
2. I ba raddau mae'r Pwyllgor yn fodlon fod yr adroddiad yn gosod sylfaen gadarn i'r flaen raglen waith yn ystod 2021/22 a thu hwnt?
3. A oes gan y Pwyllgor unrhyw farn ynghylch blaenoriaethu partneriaethau i graffu arnynt?
4. Sut mae'r dull sy'n esblygu o graffu'n drawsbynciol ar bartneriaethau yn cydymffurfio â'r agenda Llesiant Cenedlaethau'r Dyfodol?

5 – Cefndir / Cyd-destun

CEFNDIR

5.1 Sgriwtini Trawsbynciol: mae gwaith partneriaeth yn enghraifft o fater trawsbynciol. Mae Mesur Llywodraeth Leol yn rhoi mwy o bwyslais ar gydweithio a phartneriaethau ac felly mae'r ffordd hon o weithio'n debygol o gynyddu yn lleol ac yn rhanbarthol. Yn

ogystal, mae'r Mesur yn darparu canllawiau cenedlaethol ar graffu ar y cyd¹. Mae ein strwythur sgrwtini lleol wedi esblygu dros y blynyddoedd diwethaf i gynnwys pwyllgor sgrwtini partneriaethau dynodedig sy'n rhoi llwyfan i graffu ar faterion trawsbynciol, thematig. Ystyrir bod y dull hwn yn arfer dda.

5.2 Mae gweithio mewn partneriaeth yn parhau i fod yn rhan bwysig o arferion gwaith yr Awdurdod, gan gryfhau capasiti'r Awdurdod i ddarparu gwasanaethau. Er y gall manteision sylweddol ddeillio o waith partneriaeth, megis ymateb i heriau cymhleth, cynnig hyblygrwydd ac adnoddau ychwanegol er mwyn darparu gwasanaethau, nid yw'n broses bob amser heb ei heriau a gall greu risgiau sylweddol, yn arbennig o ran cynaliadwyedd a chost effeithiolrwydd. Mae nifer o sylwadau yn ystod y blynyddoedd diwethaf² wedi tynnu sylw at yr angen i wella a chryfhau trefniadau craffu ar bartneriaethau mewn gwasanaethau cyhoeddus.

5.3 Deddf Llesiant Cenedlaethau'r Dyfodol (Cymru) 2015: Mae Deddf Llesiant Cenedlaethau'r Dyfodol (Cymru) 2015 yn tanlinellu'r angen i gryfhau craffu ar bartneriaethau ymhellach. Mae'r Ddeddf yn rhoi lle blaenllaw i gynaliadwyedd tymor hir yn y modd y mae gwasanaethau cyhoeddus yn cael eu dylunio a'u cyflwyno, ac yn rhoi pwyslais ar gyrff cyhoeddus yn gweithio mewn partneriaeth er mwyn sicrhau gwell canlyniadau nawr ac yn y dyfodol. Dylai ein trefniadau lleol hefyd ddatblygu mewn modd sy'n dangos ymrwymiad i Egwyddor Datblygu Cynaliadwy y Ddeddf Llesiant. Golyga hyn: *"Weithredu mewn modd sy'n ceisio sicrhau bod anghenion y presennol yn cael eu diwallu heb beryglu gallu cenedlaethau'r dyfodol i ddiwallu eu hanghenion hwythau..."*

O ganlyniad, dylai trefniadau cadarn i fonitro a chraffu ar ein gwaith partneriaeth ychwanegu gwerth i'n gwaith partneriaeth yn lleol.

¹ Mae craffu ar y cyd (a elwir weithiau'n sgrwtini cydweithredol) yn cyfeirio at unrhyw drefniant ffurfiol neu anffurfiol sy'n dod â chraffwyr o wahanol sefydliadau at ei gilydd er mwyn cyflawni rhywbeth na fyddai modd ei gyflawni mewn unrhyw ffordd arall. Gall sgrwtini ar y cyd fod yn bwyllgor ffurfiol, yn grŵp cydlynnydd, yn grŵp tasg a gorffen anffurfiol neu'n amywiad ar unrhyw un o'r rhain. Gall ddod â chynghorwyr sgrwtini o ddau neu ragor o gynghorau at ei gilydd gyda chraffwyr anweithredol o gyrff cyhoeddus eraill. Gall sgrwtini ar y cyd fod yn gyfuniad o'r trefniadau hyn

² Y Comisiwn ar Lywodraethu a Darparu Gwasanaethau Cyhoeddus (Llywodraeth Cymru, Ionawr 2014), Canllawiau ar gyfer Pwyllgorau Craffu Awdurdodau Lleol ar graffu ar Fyrdau Gwasanaethau Cyhoeddus (Awst, 2017) a Cryfhau Llywodraeth Leol: Cyflawni dros ein Pobl (Mawrth, 2018)

CYD-DESTUN

5.4 Mae gan Gyngor Sir Ynys Môn brofiad helaeth o weithio mewn partneriaeth, boed ar lefel leol, rhanbarthol neu genedlaethol³. Gyda mwy o bwysau ar y pwrs cyhoeddus, mae gan y Cyngor ganllawiau clir mewn lle i benderfynu pryd i sefydlu partneriaethau, pa wasanaeth(au) a'r canlyniadau a ddisgwylir ganddynt ac ar gyfer rheoli'r berthynas yn gadarn er mwyn:

- Ein galluogi i gyflawni Cynllun y Cyngor a'n blaenoriaethau strategol. Hefyd, gwella profiadau a chanlyniadau unigolion sy'n defnyddio ein gwasanaethau
- Rhoi tystiolaeth o werth am arian neu gost effeithlonrwydd wrth fuddsoddi yn y dyfodol a sicrhau canlyniadau clir a mesuradwy
- Ymateb i risgiau mewn perthynas â phartneriaethau a sicrhau bod meysydd i'w datblygu'n cael sylw
- Cael eglurder ynghylch atebolrwydd a threfniadau monitro
- Nodi unrhyw le y gellir rhesymoli partneriaethau a sicrhau gweithdrefn glir ar gyfer dod ag unrhyw drefniadau i ben.

Mae'r maes gwaith hwn yn canolbwyntio ar bartneriaethau lle mae'r Cyngor yn dewis gweithio gyda sefydliadau eraill yn y sector preifat, cyhoeddus neu wirfoddol. Nid yw'n cynnwys cysylltiadau a wneir drwy'r broses gaffael⁴.

5.5 Ar 14 Mawrth 2016, cymeradwyodd y Pwyllgor Gwaith ddogfen Bolisi Partneriaethau Corfforaethol fel sylfaen i'n gwaith partneriaeth ac fel fframwaith hefyd i lywio trefniadau monitro partneriaeth. Yn y polisi, diffinnir partneriaeth fel:

“Trefniant cydweithio lle mae'r partneriaid yn gyrrff annibynnol, yn cytuno i gydweithio i gyrraedd nod cyffredin o wydnwch cymunedol ac i gyflawni hynny, yn creu strwythur neu broses sefydliadol a rhaglen y cytunwyd arni.”

³ Adroddiad Gwella Blynnyddol 2014/15 (yn ymgorffori'r Adroddiad Asesiad Corfforaethol 2015), Swyddfa Archwilio Cymru, Rhagfyr 2015

⁴ Amgylchiadau pan fyddai'r Cyngor yn rhoi cyfle i nifer o sefydliadau neu unigolion ddarparu eu gwasanaethau at ddiben penodol drwy broses gystadleuol gyda'r Cyngor yn dewis un darparwr ac yn cadarnhau'r trefniadau drwy gytundeb

CRAFFU AR BARTNERIAETHAU

5.6 Dylai un o amcanion allweddol craffu ar bartneriaethau ganolbwyntio ar herio'n adeiladol a rhoi cyfle i ddysgu ac hunan-fyfyrir yn hytrach na dal i gyfrif yn unig⁵.

5.7 Nodweddion craffu'n effeithiol ar bartneriaethau: mae ymchwil cenedlaethol wedi nodi fod trefniadau craffu ar bartneriaethau'n effeithiol pan fo'r nodweddion canlynol mewn lle:

- Mae sgriwtini yn "ffrind beirniadol" ar gyfer hyrwyddo cydweithio
- Mae Aelodau yn monitro perfformiad fel rhan o'u rôl o arwain yn y gymuned (o safbwynt y dinesydd)
- Ffordd o asesu cymhlethdodau gweithio mewn partneriaeth
- Canolbwyntio ar wella trefniadau partneriaeth a sicrhau'r canlyniadau cywir ar gyfer dinasyddion
- Dal Aelodau sy'n eistedd ar bartneriaethau allweddol i gyfrif.

5.8 Datganiad Sefyllfa- Pandemig Covid 19

Fel y gwyddoch, o ganlyniad i'r pandemig presennol, mae'n rhaid i'r Cyngor flaenoriaethu ei adnoddau ac ymdrechion ei weithlu, felly, nid oes modd cynnal "busnes fel arfer".

Mae Ddeddf Coronafeirws 2020 a Rheoliadau Awdurdodau Lleol (Coronafeirws) (Cyfarfodydd) (Cymru) 2020 wedi lleihau'r rhwymedigaethau cyfreithiol ar awdurdodau lleol o ran cynnal cyfarfodydd, a chaniateir cynnal cyfarfodydd o bell. Adolygwyd amserlen Pwyllgorau arferol y Cyngor yn sgil y ddeddfwriaeth hon, a chymeradwywyd Strategaeth Cyfarfodydd Pwyllgor ar 12 Mai, 2020⁶.

Yn ogystal â hyn, o ganlyniad i'r pandemig, rhoddwyd o'r neilltu gofynion i graffu rhai adroddiadau blynyddol er enghraifft, neu ymestynwyd yr amserlen er mwyn ymgymryd â'r gwaith hwn.

Cyfarfu'r ddau Bwyllgor Sgriwtini am y tro cyntaf ers ddechrau'r pandemig yn ystod mis Medi, 2020, ac ers hynny, mae'r Pwyllgor Sgriwtini Partneriaeth ac Adfywio wedi cyfarfod yn rheolaidd ac wedi ailafael yn y gwaith craffu ar bartneriaethau allweddol ac wedi cydymffurfio â'r holl ofynion statudol. Er hynny, mae rhai partneriaid a amserlenwyd yn naturiol wedi cael eu gohirio oherwydd y pandemig, a bu rhaid blaenoriaethu rhaglen

⁵ Canllawiau ar gyfer Pwyllgorau Craffu Awdurdodau Lleol ar graffu ar Fyrdau Gwasanaethau Cyhoeddus (Llywodraeth Cymru, Awst 2017)

⁶ Strategaeth ar gyfer Cyfarfodydd Pwyllgor hyd at Ebrill, 2021 (CSYM, Mai, 2020).

waith y Pwyllgor i gydfynd â gofynion lleol ac ystyried gofynion a phwysau yr oedd ein partneriaid yn ei wynebu hefyd.

5.9 Cofrestr Partneriaethau Corfforaethol: mae'r Cyngor yn cynnal Cofrestr o'r holl bartneriaethau allweddol ac mae'n cael ei hadolygu o bryd i'w gilydd.

5.10 Mae cyfrifoldebau'r Pwyllgor hwn yn cynnwys trefniadau partneriaeth lleol a rhanbarthol. Mae crynodeb o'r partneriaethau y bu i'r Pwyllgor hwn graffu arnynt yn ystod 2019/20 yn **Atodiad 1**.

5.11 Blaen Raglen Waith 2021/22: rhaid parhau i reoli'r dasg o graffu ar bartneriaethau, gan ganolbwyntio ar bartneriaethau strategol allweddol sy'n galluogi'r Cyngor i gyflawni ei amcanion a'i flaenoriaethau. Er mwyn ychwanegu gwerth, rhaid i'n trefniadau ar gyfer craffu ar bartneriaethau barhau i fod yn amserol ac yn gymesur. O ganlyniad, argymhellir bod blaen raglen waith y Pwyllgor hwn yn rhoi blaenoriaeth i gydbwysedd priodol o bartneriaethau statudol, partneriaid allweddol mae'r Cyngor yn gweithio â nhw a chyrrff eraill (darparu gwasanaeth), yn cynnwys y canlynol:

Enw'r Bartneriaeth	Aelod / Swyddog Arweiniol	Ffocws Sgriwtini	Amserlen	Mater Thematig Trawsbynciol
Partneriaethau Statudol				
Bwrdd Gwasanaethau Cyhoeddus (BGC)	Cyng. Llinos Medi Huws Prif Weithredwr	Trefniadau llywodraethiant a strwythur cyflawni	Craffu ar lywodraethiant a strwythur cyflawni'r BGC - 9 Tachwedd 2021	Llesiant Nodir y disgwyliad cenedlaethol yng nghanllawiau Llywodraeth Cymru ⁷
		Cynllun Llesiant – craffu ar gyflawniad hyd yma	Craffu ar gynnydd wrth gyflawni'r Cynllun Llesiant - 11 Mawrth, 2021	
		Adroddiad Blynnyddol y BGC – craffu ar gyflawniadau'r flwyddyn flaenorol / herio blaenoriaethau ar gyfer y dyfodol	Craffu ar Adroddiad Blynnyddol y BGC – 15 Mehefin, 2021	
Partneriaeth Diogelwch Cymunedol (PDC)	Cyng. Alun Mummery Dirprwy Brif Weithredwr	Craffu ar waith partneriaeth drwy Adroddiad Blynnyddol y Bartneriaeth Diogelwch Cymunedol (yn hytrach na gwaith y cyrff unigol) drwy: - Graffu ar gyflawniadau'r flwyddyn flaenorol - Herio blaenoriaethau ar gyfer y dyfodol	20 Medi 2021	Diogelwch Cymunedol Sicrhau bod y Bartneriaeth yn cyflawni ei dyletswyddau o dan Adran 19 a 20, Deddf Cyfiawnder Troseddol a Heddlu 2006
Bwrdd Diogelu Gogledd Cymru	Cyng. Llinos Medi Huws Cyfarwyddwr Statudol y Gwasanaethau Cymdeithasol	Craffu ar drefniadau llywodraethiant, cyflawniad a pherfformiad y trefniadau rhanbarthol	Dyddiad i'w gadarnhau	Llesiant Deddf Gwasanaethau Cymdeithasol a Llesiant (Cymru) 2014

⁷ Canllawiau ar gyfer Pwyllgorau Craffu Awdurdodau Lleol ar graffu ar Fyrddau Gwasanaethau Cyhoeddus (Awst, 2017)

Bwrdd Partneriaeth Gogledd Cymru (Iechyd a Gwasanaethau Cymdeithasol) (Rhan 9)	Cyng. Llinos Medi Huws Cyfarwyddwr Statudol y Gwasanaethau Cymdeithasol	Adroddiad blynyddol y Bwrdd Partneriaeth Rhanbarthol: • Craffu ar gyflawniadau'r flwyddyn flaenorol • Herio blaenoriaethau ar gyfer y flwyddyn nesaf	Gorffennaf, 2021	Llesiant Rhan 9, Deddf Gwasanaethau Cymdeithasol a Llesiant (Cymru) 2014
Partneriaid allweddol mae'r Cyngor yn gweithio â nhw				
Gwaith partneriaeth lleol – Bwrdd Iechyd Prifysgol Betsi Cadwaladr	Cyfarwyddwr Statudol y Gwasanaethau Cymdeithasol	Craffu ar y gwaith partneriaeth lleol gyda'r Bwrdd Iechyd	Rhaglen waith wedi llithro	Llesiant Aelod statudol o'r Bwrdd Gwasanaethau Cyhoeddus (Deddf Llesiant Cenedlaethau'r dyfodol 2015)
Gwasanaeth Tân ac Achub Gogledd Cymru	Cyng. Eric Wyn Jones, Richard Griffiths, Dylan Rees Dirprwy Brif Weithredwr	Craffu ar waith partneriaeth lleol gyda'r Gwasanaeth Tân ac Achub	Rhaglen waith wedi llithro	Diogelwch Cymunedol Aelod statudol o'r Bwrdd Gwasanaethau Cyhoeddus (Deddf Llesiant Cenedlaethau'r dyfodol 2015)
Cyfoeth Naturiol Cymru	Pennaeth Prifffyrdd, Gwastraff ac Eiddo	Craffu ar waith partneriaeth lleol gyda Chyfoeth Naturiol Cymru	I'w gadarnhau	Aelod statudol o'r Bwrdd Gwasanaethau Cyhoeddus (Deddf Llesiant Cenedlaethau'r dyfodol 2015)
Comisiynydd Heddlu a Throsedd Gogledd Cymru / Heddlu Gogledd Cymru	Cyng. Dylan Rees Dirprwy Brif Weithredwr	Craffu ar waith partneriaeth lleol gyda Heddlu Gogledd Cymru	Rhaglen waith wedi llithro	Diogelwch Cymunedol Mae'r Comisiynydd Heddlu a Throsedd yn monitro sut mae'r Heddlu ac eraill yn gweithredu'r Cynllun Heddlu

				a Throsedd 2017/2021 Aelod o'r BGC (Deddf Llesiant Cenedlaethau'r Dyfodol 2015)
Medrwn Môn	Cyng. Llinos Medi Huws Dirprwy Brif Weithredwr	Adroddiad blynyddol y sefydliad: - Trefniadau llywodraethiant yn cynnwys trefniadau rheoli risg - Craffu ar gyflawniadau'r flwyddyn flaenorol - Herio blaenoriaethau ar gyfer y flwyddyn i ddod	Rhaglen waith wedi llithro	Gwydnwch Cymunedol
Menter Môn	Cyng. Ieuan Williams Dirprwy Brif Weithredwr	Adroddiad blynyddol y sefydliad: - Trefniadau llywodraethiant yn cynnwys trefniadau rheoli risg - Craffu ar gyflawniadau'r flwyddyn flaenorol - Herio blaenoriaethau ar gyfer y flwyddyn i ddod	I'w gadarnhau	Gwydnwch Cymunedol
Ymddiriedolaeth GIG Gwasanaeth Ambiwlans Cymru	Dirprwy Brif Weithredwr Cyng Alun Mummery	Craffu ar waith partneriaeth lleol gydag Ymddiriedolaeth Gwasanaethau Ambiwlans Cymru	Rhaglen waith wedi llithro	Diogelwch Cymunedol Aelod o'r Bwrdd Gwasanaethau Cyhoeddus (Deddf Llesiant Cenedlaethau'r Dyfodol 2015)
Cyrff eraill (darparu gwasanaeth)				

Partneriaeth Anghenion Dysgu Ychwanegol a Chynhwysiad	Cyng R Meirion Jones Cyfarwddwr Addysg, Sgiliau a Phobl Ifanc	Adroddiad cynnydd i graffu ar: - Gyflawniad a pherfformiad - Flaenoriaethau ar gyfer y cyfnod nesaf	12 Hydref, 2021 13 Ebrill, 2022	Addysg a Sgiliau Partneriaeth darparu gwasanaeth gyda Chyngor Gwynedd
GwE – Gwasanaeth Gwella Ysgolion	Cyng. R Meirion Jones Cyfarwddwr Addysg, Sgiliau a Phobl Ifanc	Craffu ar Adroddiad Blynnyddol y Consortiwm er mwyn: - Cefnogi GwE i ddatblygu cynlluniau busnes a sicrhau bod cynlluniau'n cymryd anghenion ysgolion lleol i ystyriaeth - Craffu yn well ar drefniadau rheoli perfformiad - Sicrhau bod ystod o strategaethau mewn lle i gefnogi ysgolion i wella	8 Rhagfyr, 2021	Addysg a Sgiliau Disgwyliad cenedlaethol fod awdurdodau lleol yn craffu ar y consortia addysg rhanbarthol
Bwrdd Uchelgais Economaidd Gogledd Cymru Bargen Dwf Gogledd Cymru	Cyng. Llinos Medi Huws Cyfarwyddwr Lle a Llesiant Cymunedol	Sicrhau bod y Bwrdd yn ymgymryd â'i rôl: Fel Partneriaeth Dysgu a Sgiliau ar gyfer Gogledd Cymru. Rhagwelir y bydd gan y Bwrdd gynrychiolydd ar y Cyd Bwyllgor sy'n gweithredu Bid Twf Gogledd Cymru; O greu cyfleoedd cyflogaeth a gwella cysylltedd digidol yng Ngogledd Cymru ac Ynys Môn	I'w gadarnhau (chwarterol)	Adfywio Disgwyliad cenedlaethol bod awdurdodau yn craffu ar bartneriaethau rhanbarthol Mae cynghorau Gogledd Cymru wedi ffurfio Bwrdd Twf Gogledd Cymru i gwblhau'r Fargen Dwf a rheoli'r gwaith o'i gyflawni ar ôl dod i gytundeb gyda

				Llywodraethau'r DU a Chymru. Mae'r corff newydd yn Gyd –Bwyllgor Awdurdodau Lleol gyda chynrychiolwyr o'r prif bartneriaid
Gwasanaeth Cynllunio Argyfwng Rhanbarthol Gogledd Cymru	Pennaeth Gwasanaethau Democrataidd	Cadernid y gwasanaeth rhanbarthol i gynorthwyo'r Cyngor i ddelio gydag argyfyngau o ganlyniad i dywydd drwg, damwain drafnidiaeth neu ddiwydiannol, llygredd dŵr neu derfysgaeth	Rhaglen waith wedi llithro	Diogelwch Cymunedol Deddf Argyfyngau Sifil Posib 2004
Cynnal	Cyng. R Meirion Jones, Dafydd Roberts, Margaret M Roberts Cyfarwddwr Addysg, Sgiliau a Phobl Ifanc	Craffu ar berfformiad a gwerth am arian	I'w gadarnhau	Addysg a Sgiliau

Mae'r tabl uchod yn nodi'r bwriad o ran craffu ar bartneriaethau yn ystod y flwyddyn weinyddol i ddod. Argymhellir y dylid gwahodd y partneriaethau ble mae'r rhaglen waith wedi llithro yn sgil pandemig Covid-19 i drafod agweddau canlynol o'u gwaith partneriaethol a hynny i gyd-fynd â'r cyfnod adfer:

- Rhannu'r stori ymateb i Covid 19 a'r gwaith partneriaethol gyda Chyngor Sir Ynys Môn
- Pa wersi a ddysgwyd
- Pa ffocws fydd i'r gwaith partneriaethol wrth symud ymlaen. Beth fydd yn cael ei wneud yn wahanol?

5.12 Rôl Aelodau ar bartneriaethau allanol: wrth gydnabod rôl bwysig Aelodau Etholedig ar bartneriaethau allanol, dylid nodi y bydd y Pwyllgor Sgriwtini angen sicrwydd gan y Cynghorwyr sy'n cynrychioli'r Cyngor ynglŷn â'r agweddau allweddol canlynol o waith partneriaeth:

- Cyflawni rhaglenni gwaith / canlyniadau a ddymunir
- Trefniadau llywodraethu
- Rheoli cyllideb
- Rheoli risgiau

O ganlyniad, rhaid parhau gyda'r trefniadau lleol mewn lle i gefnogi rôl yr Aelodau mewn perthynas â hynny, gan sicrhau bod y Pwyllgor Sgriwtini yn derbyn gwybodaeth amserol.

5.13 Mae'r Cyngor wedi gweithio'n galed yn ystod y flwyddyn ddiwethaf i ddatblygu ein dull lleol o graffu ar bartneriaethau:

- Mae blaen raglen waith y Pwyllgor Sgriwtini wedi aeddfedu, gyda'r pwyllgor yn edrych mewn manylder ar 12 partneriaeth rhwng Mehefin 2019- a Tachwedd 2020 (ceir crynodeb yn **Atodiad 1**)
- Cynllun gweithredu lefel uchel (paragraff 5.11 uchod) i alluogi'r Pwyllgor Sgriwtini Partneriaeth ac Adfywio i flaenoriaethu ei flaen raglen waith ar gyfer 2021/22 a thu hwnt
- Mae Aelodau Etholedig yn cael eu diweddarau'n rheolaidd am bartneriaethau yn y Sesiynau Briffio misol ar gyfer Aelodau.

Camau Nesaf:

Argymhellir fod ein dull lleol o graffu ar bartneriaethau'n cael ei ddatblygu ymhellach:

- i. Datblygu ymhellach ein cynllun gweithredu lefel uchel i alluogi'r Pwyllgor Sgriwtini Partneriaeth ac Adfywio i flaenoriaethu ei flaen raglen waith ar gyfer 2021/22 a thu hwnt
- ii. Diweddarau Aelodau'n rheolaidd am bartneriaethau allweddol yn y Sesiynau Briffio Aelodau misol
- iii. Datblygu trefniadau lleol i ddwyn i gyfrif yr Aelodau sy'n eistedd ar bartneriaethau allweddol.

6 – Asesiad Effaith ar Gydraddoldeb [cynnwys effeithiau ar yr Iaith Gymraeg]

D/B

--

7 – Oblygiadau Ariannol

D/B

8 – Atodiadau

1. Partneriaethau a gafodd eu monitro gan y Pwyllgor Sgriwtini Partneriaeth ac Adfywio yn ystod 2019/20
2. Blaen raglen waith ddrafft ar gyfer y Pwyllgor Sgriwtini Partneriaeth ac Adfywio ar gyfer 2021/22

9 - Papurau Cefndir (cysylltwch ag awdur yr Adroddiad am unrhyw wybodaeth bellach os gwelwch yn dda):

Sioned Rowe, Swyddog Sgriwtini, Cyngor Sir Ynys Môn, Swyddfeydd y Cyngor, Llangefni.
LL77 7TW

Atodiad 1- Gwaith Craffu Partneriaethol 2019/20

Enw'r Bartneriaeth	Ffocws Sgriwtini	Dyddiad
Partneriaeth Anghenion Dysgu Ychwanegol Gwynedd a Môn	Craffu ar effeithiolrwydd ac effeithlonrwydd y bartneriaeth ar gyfer cwrdd ag anghenion dysgu ychwanegol plant a phobl ifanc Ynys Môn	13 Mehefin, 2019
Bwrdd Gwasanaethau Cyhoeddus Gwynedd a Môn	Adroddiad Blynnyddol 2018/19	13 Mehefin, 2019
	Trefniadau Llywodraethu	17 Tachwedd, 2019
	Adroddiad cynnydd ar gyflawni'r Cynllun Llesiant	11 Mawrth, 2020
	Adroddiad Blynnyddol 2019/20	21 Medi, 2020
	Trefniadau Llywodraethu	10 Tachwedd, 2020
Bwrdd Partneriaeth Rhanbarthol Gogledd Cymru	Adroddiad Blynnyddol 2018/19	11 Gorffennaf, 2019

	Adroddiad Blynyddol 2019/20	10 Tachwedd, 2020
Partneriaeth Diogelwch Cymunedol	Adroddiad Blynyddol 2018/19	12 Tachwedd, 2019
	Adroddiad Blynyddol 2019/20	22 Hydref, 2020
GwE	Adroddiad Blynyddol 2018/19	21 Ionawr, 2020
Awdurdod Tân ac Achub Gogledd Cymru	Craffu ar waith partneriaeth lleol gyda'r Awdurdod Tân ac Achub	4 Chwefror, 2020
Comisiynydd yr Heddlu a Throsedd Gogledd Cymru/ Heddlu Gogledd Cymru	Craffu ar waith partneriaeth lleol gyda Heddlu Gogledd Cymru	4 Chwefror, 2020
Bwrdd Diogelu Gogledd Cymru	Adroddiad Blynyddol 2018/19	4 Chwefror, 2020
Ymddiriedolaeth Gwasanaeth Ambiwylans Cymru	Craffu ar waith partneriaeth lleol gydag Ymddiriedolaeth Gwasanaeth Ambiwylans Cymru	25 Chwefror, 2020
Medrwn Môn	Effeithiolrwydd y sector wirfoddol ar Ynys Môn drwy Adroddiad Blynyddol 2018/19	25 Chwefror, 2020
Gwasanaeth Cynllunio Argyfwng Rhanbarthol Gogledd Cymru	Adroddiad cynnydd ar waith y gwasanaeth rhanbarthol	25 Chwefror, 2020
Bwrdd Iechyd Prifysgol Betsi Cadwaladr (BIPBC)	Gwaith partneriaeth lleol	12 Mawrth, 2019

Atodiad 2- Blaen Raglen Waith y Pwyllgor Sgriwtini Partneriaeth ac Adfywio 2021/22

Enw'r Bartneriaeth	Aelod / Swyddog Arweiniol	Ffocws Sgriwtini	Amserlen	Mater Thematig Trawsbynciol
Partneriaethau Statudol				
Bwrdd Gwasanaethau Cyhoeddus (BGC)	Cyng. Llinos Medi Huws Prif Weithredwr	Trefniadau llywodraethiant a strwythur cyflawni	Craffu ar lywodraethiant a strwythur cyflawni'r BGC - 9 Tachwedd 2021	Llesiant Nodir y disgwyliad cenedlaethol yng nghanllawiau Llywodraeth Cymru ¹
		Cynllun Llesiant – craffu ar gyflawniad hyd yma	Craffu ar gynnydd wrth gyflawni'r Cynllun Llesiant - 11 Mawrth, 2021	
		Adroddiad Blynyddol y BGC – craffu ar gyflawniadau'r flwyddyn flaenorol / herio blaenoriaethau ar gyfer y dyfodol	Craffu ar Adroddiad Blynyddol y BGC – 15 Mehefin, 2021	
Partneriaeth Diogelwch Cymunedol (PDC)	Cyng. Alun Mummery Dirprwy Brif Weithredwr	Craffu ar waith partneriaeth drwy Adroddiad Blynyddol y Bartneriaeth Diogelwch Cymunedol (yn hytrach na gwaith y cyrff unigol) drwy: - Graffu ar gyflawniadau'r flwyddyn flaenorol - Herio blaenoriaethau ar gyfer y dyfodol	20 Medi 2021	Diogelwch Cymunedol Sicrhau bod y Bartneriaeth yn cyflawni ei dyletswyddau o dan Adran 19 a 20, Deddf Cyfiawnder Troseddol a Heddlu 2006
Bwrdd Diogelu Gogledd Cymru	Cyng. Llinos Medi Huws Cyfarwyddwr Statudol y Gwasanaethau Cymdeithasol	Craffu ar drefniadau llywodraethiant, cyflawniad a pherfformiad y trefniadau rhanbarthol	Dyddiad i'w gadarnhau	Llesiant Deddf Gwasanaethau Cymdeithasol a Llesiant (Cymru) 2014
Bwrdd Partneriaeth Gogledd Cymru (Iechyd a Gwasanaethau Cymdeithasol) (Rhan 9)	Cyng. Llinos Medi Huws Cyfarwyddwr Statudol y	Adroddiad blynyddol y Bwrdd Partneriaeth Rhanbarthol: Craffu ar gyflawniadau'r flwyddyn flaenorol	Gorffennaf, 2021	Llesiant Rhan 9, Deddf Gwasanaethau Cymdeithasol a Llesiant (Cymru) 2014

¹ Canllawiau ar gyfer Pwyllgorau Craffu Awdurdodau Lleol ar graffu ar Fyrddau Gwasanaethau Cyhoeddus (Awst, 2017)

Atodiad 2- Blaen Raglen Waith y Pwyllgor Sgriwtini Partneriaeth ac Adfywio 2021/22

	Gwasanaethau Cymdeithasol	Herio blaenoriaethau ar gyfer y flwyddyn nesaf		
Partneriaid allweddol mae'r Cyngor yn gweithio â nhw				
Gwaith partneriaeth lleol – Bwrdd Iechyd Prifysgol Betsi Cadwaladr	Cyfarwyddwr Statudol y Gwasanaethau Cymdeithasol	Craffu ar y gwaith partneriaeth lleol gyda'r Bwrdd Iechyd	Rhaglen waith wedi llithro	Llesiant Aelod statudol o'r Bwrdd Gwasanaethau Cyhoeddus (Deddf Llesiant Cenedlaethau'r dyfodol 2015)
Gwasanaeth Tân ac Achub Gogledd Cymru	Cyng. Eric Wyn Jones, Richard Griffiths, Dylan Rees Dirprwy Brif Weithredwr	Craffu ar waith partneriaeth lleol gyda'r Gwasanaeth Tân ac Achub	Rhaglen waith wedi llithro	Diogelwch Cymunedol Aelod statudol o'r Bwrdd Gwasanaethau Cyhoeddus (Deddf Llesiant Cenedlaethau'r dyfodol 2015)
Cyfoeth Naturiol Cymru	Pennaeth Priffyrdd, Gwastraff ac Eiddo	Craffu ar waith partneriaeth lleol gyda Chyfoeth Naturiol Cymru	I'w gadarnhau	Aelod statudol o'r Bwrdd Gwasanaethau Cyhoeddus (Deddf Llesiant Cenedlaethau'r dyfodol 2015)
Comisiynydd Heddlu a Throsedd Gogledd Cymru / Heddlu Gogledd Cymru	Cyng. Dylan Rees Dirprwy Brif Weithredwr	Craffu ar waith partneriaeth lleol gyda Heddlu Gogledd Cymru	Rhaglen waith wedi llithro	Diogelwch Cymunedol Mae'r Comisiynydd Heddlu a Throsedd yn monitro sut mae'r Heddlu ac eraill yn gweithredu'r Cynllun Heddlu a Throsedd 2017/2021 Aelod o'r BGC (Deddf Llesiant Cenedlaethau'r Dyfodol 2015)
Medrwn Môn	Cyng. Llinos Medi Huws Dirprwy Brif Weithredwr	Adroddiad blynyddol y sefydliad: - Trefniadau llywodraethiant yn cynnwys trefniadau rheoli risg - Craffu ar gyflawniadau'r flwyddyn flaenorol	Rhaglen waith wedi llithro	Gwydnwch Cymunedol

Atodiad 2- Blaen Raglen Waith y Pwyllgor Sgriwtini Partneriaeth ac Adfywio 2021/22

		Herio blaenoriaethau ar gyfer y flwyddyn i ddod		
Menter Môn	Cyng. Ieuan Williams Dirprwy Brif Weithredwr	Adroddiad blynyddol y sefydliad: - Trefniadau llywodraethiant yn cynnwys trefniadau rheoli risg - Craffu ar gyflawniadau'r flwyddyn flaenorol - Herio blaenoriaethau ar gyfer y flwyddyn i ddod	I'w gadarnhau	Gwydnwch Cymunedol
Ymddiriedolaeth GIG Gwasanaeth Ambiwylans Cymru	Dirprwy Brif Weithredwr Cyng Alun Mummery	Craffu ar waith partneriaeth lleol gydag Ymddiriedolaeth Gwasanaethau Ambiwylans Cymru	Rhaglen waith wedi llithro	Diogelwch Cymunedol Aelod o'r Bwrdd Gwasanaethau Cyhoeddus (Deddf Llesiant Cenedlaethau'r Dyfodol 2015)
Cyrrff eraill (darparu gwasanaeth)				
Partneriaeth Anghenion Dysgu Ychwanegol a Chynhwysiad	Cyng R Meirion Jones Cyfarwddwr Addysg, Sgiliau a Phobl Ifanc	Adroddiad cynnydd i graffu ar: - Gyflawniad a pherfformiad - Flaenoriaethau ar gyfer y cyfnod nesaf	12 Hydref, 2021 13 Ebrill, 2022	Addysg a Sgiliau Partneriaeth darparu gwasanaeth gyda Chyngor Gwynedd
GwE – Gwasanaeth Gwella Ysgolion	Cyng. R Meirion Jones Cyfarwddwr Addysg, Sgiliau a Phobl Ifanc	Craffu ar Adroddiad Blynyddol y Consortiwm er mwyn: - Cefnogi GwE i ddatblygu cynlluniau busnes a sicrhau fod cynlluniau'n cymryd anghenion ysgolion lleol i ystyriaeth - Craffu yn well ar drefniadau rheoli perfformiad - Sicrhau bod ystod o strategaethau mewn lle i gefnogi ysgolion i wella	8 Rhagfyr, 2021	Addysg a Sgiliau Disgwyliad cenedlaethol fod awdurdodau lleol yn craffu ar y consortia addysg rhanbarthol
Bwrdd Uchelgais Economaidd Gogledd Cymru	Cyng. Llinos Medi Huws	Sicrhau bod y Bwrdd yn ymgymryd â'i rôl: Fel Partneriaeth Dysgu a Sgiliau ar	I'w gadarnhau (chwarterol)	Adfywio Disgwyliad cenedlaethol bod

Atodiad 2- Blaen Raglen Waith y Pwyllgor Sgriwtini Partneriaeth ac Adfywio 2021/22

Bargen Dwf Gogledd Cymru	Cyfarwyddwr Lle a Llesiant Cymunedol	gyfer Gogledd Cymru. Rhagwelir y bydd gan y Bwrdd gynrychiolydd ar y Cyd Bwyllgor sy'n gweithredu Bid Twf Gogledd Cymru; O greu cyfleoedd cyflogaeth a gwella cysylltedd digidol yng Ngogledd Cymru ac Ynys Môn		awdurdodau yn craffu ar bartneriaethau rhanbarthol Mae cynghorau Gogledd Cymru wedi ffurfio Bwrdd Twf Gogledd Cymru i gwblhau'r Fargen Dwf a rheoli'r gwaith o'i gyflawni ar ôl dod i gytundeb gyda Llywodraethau'r DU a Chymru. Mae'r corff newydd yn Gyd -Bwyllgor Awdurdodau Lleol gyda chynrychiolwyr o'r prif bartneriaid
Gwasanaeth Cynllunio Argyfwng Rhanbarthol Gogledd Cymru	Pennaeth Gwasanaethau Democrataidd	Cadernid y gwasanaeth rhanbarthol i gynorthwyo'r Cyngor i ddelio gydag argyfyngau o ganlyniad i dywydd drwg, damwain drafnidiaeth neu ddiwydiannol, llygredd dŵr neu derfysgaeth	Rhaglen waith wedi llithro	Diogelwch Cymunedol Deddf Argyfyngau Sifil Posib 2004
Cynnal	Cyng. R Meirion Jones, Dafydd Roberts, Margaret M Roberts Cyfarwyddwr Addysg, Sgiliau a Phobl Ifanc	Craffu ar berfformiad a gwerth am arian	I'w gadarnhau	Addysg a Sgiliau
Cymdeithasau Tai (Grŵp Cynefin Clwyd Alyn Tai Gogledd Cymru)	Cyng Alun Mummery Cyfarwyddwr Swyddogaeth Adnoddau (Swyddog Adran 151) Pennaeth Gwasanaethau Tai	Craffu ar waith partneriaethol lleol	I'w gadarnhau	Cyflenwad Tai yn lleol

